

辛未一九九一年

錦山文社二十屆春禊

廖一啓居士撰文輯錄



順德梁鈺塘圖書館惠藏

壬申孟春何竹平敬呈



代司才凡世

錦山文社十屆辛酉春禊順德陳天如繪畫



錦山文社二十屆辛未春禊連縣唐積聖刻印



錦山文社第二十屆春禊暨歷屆藝文輯錄

| 目次                                         | 頁次    |
|--------------------------------------------|-------|
| 一、扉頁、蘭亭勝蹟圖 順德陳天如繪 本社印文 連縣唐積聖刻              | 一     |
| 二、目錄表                                      | 二—三   |
| 三、春禊留影                                     | 四—六   |
| 四、錦山文社春禊藝文集題端 南海陳伯祺書翰                      | 七     |
| 五、本屆（辛未公元一九九一年）藝文輯錄、小啟、順德潘小磐撰<br>詩、五言排律、五首 | 九—一   |
| 五律、十四首                                     | 一一—一三 |
| 七言排律、三首                                    | 一三—一四 |
| 七律、四十四首                                    | 一四—二〇 |
| 七言、二十五首                                    | 二一—二三 |
| 詞、三首                                       | 二三—二四 |
| 賦、一首                                       | 二四—二五 |
| 聯文、二十四對                                    | 二五—二九 |
| 國畫、十四張、九冊頁                                 | 二九—三一 |
| 補錄詩文、四首                                    | 三一    |
| 六、禊集報導、見夏曆三月初四日華僑日報文化版                     | 三二    |
| 七、第一屆（壬子公元一九七二年）藝文輯錄、小啟、南海梁其政撰             | 三三—三九 |
| 八、第二屆（癸丑公元一九七三年）藝文輯錄、小啟、順德梁耀明撰             | 四〇—四七 |

|      |                               |         |
|------|-------------------------------|---------|
| 九、   | 第三屆（甲寅公元一九七四年）藝文輯錄、小啟、順德潘小磐撰  | 四八—五八   |
| 十、   | 第四屆（乙卯公元一九七五年）藝文輯錄、小啟、中山黃嗣拔撰  | 五九—六七   |
| 十一、  | 第五屆（丙辰公元一九七六年）藝文輯錄、小啟、順德梁簡能撰  | 六八—七六   |
| 十二、  | 第六屆（丁巳公元一九七七年）藝文輯錄、小啟、南海梁其政撰  | 七七—八四   |
| 十三、  | 第七屆（戊午公元一九七八年）藝文輯錄、小啟、順德梁耀明撰  | 八五—九〇   |
| 十四、  | 第八屆（己未公元一九七九年）藝文輯錄、小啟、潮州翁一鶴撰  | 九一—九六   |
| 十五、  | 第九屆（庚申公元一九八零年）藝文輯錄、小啟、順德陳秉昌撰  | 九七—一〇四  |
| 十六、  | 第十屆（辛酉公元一九八一年）藝文輯錄、小啟、台山趙大鈍撰  | 一〇五—一一四 |
| 十七、  | 第十一屆（壬戌公元一九八二年）藝文輯錄、小啟、南海潘新安撰 | 一一五—一二二 |
| 十八、  | 第十二屆（癸亥公元一九八三年）藝文輯錄、小啟、南海潘蛻菴撰 | 一二三—一二八 |
| 十九、  | 第十三屆（甲子公元一九八四年）藝文輯錄、小啟、南海關殊鈔撰 | 一二九—一三四 |
| 二十、  | 第十四屆（乙丑公元一九八五年）藝文輯錄、小啟、中山劉士瑩撰 | 一三五—一四三 |
| 二十一、 | 第十五屆（丙寅公元一九八六年）藝文輯錄、小啟、順德何竹平撰 | 一四四—一四九 |
| 二十二、 | 第十六屆（丁卯公元一九八七年）藝文輯錄、小啟、中山鄭春霆撰 | 一五〇—一五六 |
| 二十三、 | 第十七屆（戊辰公元一九八八年）藝文輯錄、小啟、順德何叔惠撰 | 一五七—一六三 |
| 二十四、 | 第十八屆（己巳公元一九八九年）藝文輯錄、小啟、番禺劉秉衡撰 | 一六四—一七〇 |
| 二十五、 | 第十九屆（庚午公元一九九零年）藝文輯錄、小啟、惠陽許衍董撰 | 一七一—一八一 |
| 二十六、 | 附社盟潘蛻菴先生榮哀錄                   | 一八二     |
| 二十七、 | 附社盟黃子成先生榮哀錄                   | 一八三     |
| 二十八、 | 編後語 順德何竹平於辛未詩人節前              | 一八四     |



前排右起  
潘碧泉  
黃子成  
潘蛻菴  
陳泰階  
梁耀明  
何竹平  
梁其政  
後排右起  
潘小磐  
陳伯祺  
攝於  
隱廬



右圖右起  
陳乃殷  
梁其政  
許菊初  
張方  
左圖人物  
仍如右圖  
攝於  
南天竺寺



右起  
何竹平  
梁其政  
潘碧泉  
陳伯祺  
潘蛻菴  
陳泰階  
梁耀明  
潘小磐  
攝於  
隱廬



錦山十老  
右起  
陳泰階  
梁耀明  
潘新安  
潘小磐  
潘碧泉  
梁其政  
潘蛻菴  
陳伯祺  
何竹平  
輪椅  
黃子成



右起  
莫煥梓  
李撫虹  
李夫人  
陳劫餘  
陳伯祺  
李纘錚  
何竹平  
攝於  
隱廬



前排  
右起  
陳泰階  
陳伯祺  
黃子成  
陳荆鴻  
司徒奇  
何竹平  
梁耀明  
吳耀東  
潘碧泉  
梁其政  
潘小磐  
陳秉昌  
攝於  
雲泉仙館

錦山毒襖龍文集

辛未初春陳伯祺題



錦山禊集廿稔於茲能人事之迭更花開花謝幸勝情  
之未減芳和鶯東風有慕於蘭亭被吳園於蓮餌但與  
歌詩奏雅試探驪嶺之珠何妨說史法玄旁涉兔園之  
冊期先元已地改北潭山色波光一新夫視聽茂林修竹  
迴絕夫塵囂莫憂馮煖之無車風馳八景不憚戴顒之  
載酒盤滿獲柑爰修寸柬以奉逸面盼  
高軒之蒞止儘忘機於泉石弱冠相慶謬寄興於風花  
甚光肯負

辛未豔陽之月

錦山文社

陳伯祺  
梁耀明

何竹平  
潘新安  
潘碧泉  
同敬約

梁其政

潘新石

錦山文社一九九一年歲辛未第二十屆北潭涌渡假村春禊藝文

詩 五古 排律

錦山文社二十屆春禊雅集未能赴會賦此繼興

李雲谷時年八十六寄自羊城

一序傳千載、重三禊事修。昔爲山陰地、今爲選勝遊。海隅集羣賢、心聲可獻酬。  
錦山結盟社、招攜二十秋。地改北潭涌、堪爲半日留。道遠備安車、通途可預謀。  
山色映湖光、景物盛南州。藉茲天回暖、紅棉枝上稠。采蘭與贈芍、鄭風安可瘦。  
廣堂設筵席、四座禮儀周。雖無絲與竹、觴詠兩情投。書法慕晉唐、繪事應潮流。  
更倩有心人、情同釣詩鈞。七老迭勸飲、齊看大白浮。人生幾癸丑、樂事可忘憂。  
有村名渡假、爲客賦登樓。繼興蘭亭會、壽添海屋籌。我惜未能至、暮雲春樹幽。  
瞻望燕歸來、思潮起復休。

錦山禊集未赴書寄同人

辛未三月荔莊吳天任

昔年旅京國、後湖值春令。柳色蕩微波、游女歌入聽。修禊集青溪、裙屐接觴詠。  
維時方艱虞、兵氛北來勁。飲馬驚渡江、流離傷兆姓。栖栖滄海南、壯歲迄衰病。  
飄泊卅餘載、故舊無幾贖。世亂雅久廢、文采誰競勝。諸子復揚風、海外各乘興。  
我居香島隅、危蘭喜孤凭。足弱鮮出郊、應接非本性。禊事傳千秋、清音雜笙磬。  
未得與嘉會、同聲且相應。欣慨暫勿論、臨流心自淨。

錦山辛未春禊

新會荷塘高韻賜

島渚涵空碧，郊垌浸莽蒼。四輿奔捷徑，一軌繞康莊。禊事北潭集，車塵西貢揚。  
欣逢佳日暖，喜賞好時光。霧鎖山容遠，煙籠岸影長。森明洲上樹，隱映海間牆。  
斬竹灣相接，飛鵝嶺在望。旅遊原勝地，度假本名鄉。匝野千林秀，盈園萬卉芳。

葱龍茵織錦、嘹唳鳥鳴吭。點水蜻蜓靜、穿花蛺蝶忙。瑤階垂嫩柳、客舍蔭修篁。  
氣象蟠崇宇、風徽綢廣堂。衣冠臨爛熳、金玉展琳琅。掛壁圖形艷、懸箋翰墨香。  
才雄侔李杜、字勁法鍾王。賦擬文通筆、詞賡武穆章。惠連清興發、逸少雅懷昌。  
撫景堪追晉、行歌欲近唐。盍簪增沆瀣、傾蓋足徜徉。垂釣欣自得、敲棋趣各償。  
愁根携手拔、慮緒拍肩忘。薄暮寧妨醉、殘春詎感傷。開筵排綺席、歸轍抹斜陽。  
盟鷗舒笑臉、附驥索枯腸。蓮社緣深結、蘭亭譽久彰。嘉招二十載、斯會豈尋常。

錦山文社二十屆春禊（文內雙梁陳指梁其政梁耀明陳伯祺陳泰階）

節廬何竹平

二月三十日、重三先預祝。地改北潭涌、薄具酒與肉。天氣正清明、惠風拂春服。  
濟濟二百衆、少長皆健足。裙屐喜聯翩、公孫或一族。舊雨又新知、行樂隨心欲。  
談笑任莊諧、往來無拘束。有客或問吾、錦山誰紀錄。吾說雙梁陳、能道南天竺。  
斯地一禪門、堂前多嘉木。禊集始於是、從此發其軸。料得當年會、伊蒲又僧粥。  
翌年移大埔、隱廬倚山築。遙望吐露港、一望年十六。再遷是雲泉、雲泉亦不俗。  
鶯花曾二度、午晚嘗山藪。兩處皆道場、經卷先後讀。回首幾山陰、歷歷猶在目。  
難得此清遊、都忘名利逐。及今到北潭、嚶鳴倍郁郁。此地遠市塵、山青帶水綠。  
主者屬善團、供人享清福。華堂高軒外、林林渡假屋。安得蟾圓夜、容吾寄一宿。  
似爲雅人歸、尙留三徑菊。繞樹雲千里、憑闌水一曲。雨後秋千地、亭前梅花竹。  
如此好風光、天恩人同沐。畫境與詩情、隨風生珠玉。丹青荆關意、書法趙撝叔。  
筆歌墨舞時、氣韻逼蘭馥。移時布晚席、夕照尙輝煜。盃盤頗交錯、未須云秉燭。  
食欠珍饈味、愧負詩人腹。蘭亭千載事、世代有賡續。風光能共惜、前程當可卜。

三月氣芳新、水邊多麗人。弄潮彌矯健、垂釣富絲綸。或作陽光浴、還將玉體陳。  
繁花紅映檻、細草碧鋪茵。深樹黃鸝囀、飛簷紫燕巡。薰風來戶牖、好雨灑江津。  
插柳清明日、題詩上巳辰。同修天寶禊、共醉永和春。冠蓋一時盛、杯盤八味珍。  
逸才追魏晉、妙韻譜蘇辛。欲挽狂瀾海、須扶大雅輪。琳琅書與畫、賞覽最怡神。

五律

錦山文社辛未春禊

心遠樓主韓穗軒

辛未錦山禊、移師往綠洲。前臨大埔海、後枕小青丘。書畫兼觴詠、賓朋共燕遊。  
餘情猶未盡、日暮欲勾留。

錦山春禊集甲骨文（釋文）

穆天莫煥梓

不知春去未、一望百川通。處處山依舊、年年事不同。白雲行水上、斜月入林中。  
東風如解事、花下復相逢。

上巳夜雨致錦山文社列位詞長

廣州梅花港詩書社林蔚原譚林園丁書

煙花三月夜、南望倍馳神。燕集丁無白、羊年日又新。薰風初入座、佳句盡宜人。  
何日能依約、樽前共滌塵。

錦山文社上巳修禊以遠行未赴

莫民慶寄自上海

廿載欣修禊、風流話北潭。浮觴今勝昔、題詠興應酣。洛水遊何似、蘭亭韻共探。  
南天春日麗、翹首慶重三。

呈錦山文社列位詞長

順德羅妙馨

修禊於辛未、馳車到北潭。入營今渡假、滌垢我何慚。曲水前邨遠、蘭亭此處探。  
節期過復活、文酒叙重三。

錦山文社辛未春禊

陳友堂

西貢流觴日、錦山雙十春。歲添心未老、地僻景堪親。畫筆酬佳客、詩箋答主人。及門舒望眼、珠玉已紛陳。

錦山文社北潭涌上巳禊集

嶺南莊果民

雅集原修禊、輕車詣北潭。繁區分百一、勝日悅重三。園囿春無價、吟樽興倍酣。蘭亭千載下、餘韻貫天南。

錦山文社辛未春禊

花縣徐應瀚

文社修春禊、時賢赴北潭。亭前縈曲水、座上映晴嵐。渡假營中叙、敲詩心內參。古今遙接緒、書畫著佳談。

又即席以建除體賦呈錦山文社同人

同前

錦字承頒柬、山村展旅程。文壇修雅禊、社宴集羣英。應接難從簡、翰揮酬盛情。致遙需力厚、意到即詩成。

錦山文社辛未春禊集上屆李權李錫京戴寶蓮關殊鈔林蔚原高韞賜潘小磐暨余少颿諸詞長

句書成

節廬何竹平

引觴共斟酌、今日看誰先。共賞三春景、姑忘百慮煎。墨香舒卷氣、味雋享郇筵。禊事蘭亭續、詩仙會散仙。

錦山春禊柬招未赴賦謝二律敬呈穎廬鏗齋竹翁小山諸詩丈 辛未春陳永正於穗城範竹園  
海曲傳芳約、光風汎此辰。餘紅喧故樹、高鳥靜穠春。取醉不須盞、臨流空問津。  
古歡懷七老、長與鷺鷥親。

其二

同前

新柳乘風意、來攬茗汀春。微芳經雨在、碧釀染波勻。隔水欲通語、秉蘭遙未親。  
方回多感遇、猶憶洛橋塵。

錦山文社辛未北潭涌禊集

新會陳冠夫

錦山羣賢會、遊觀辛未春。祥雲凝海嶠、暖日照江濱。禊集斯文盛、吟觴雅韻新。  
隆情欽舊主、相晤倍相親。

七言排律

錦山文社辛未北潭春禊

花縣江麟

遊車如電路非遙、倏抵北潭春色奢。紅紫萬山晴舞蝶、青葱滿眼雨鳴蛙。  
綠楊搖曳晨穿燕、翠竹蕭疎晚噪鴉。嘉樹成林籠曉霧、香花如錦沐朝霞。  
觴承洛水羣賢集、禊繼蘭亭萬物華。賓主盡歡情倍洽、酒餚皆美興方賒。  
永和舊序傳荒外、天寶遺風盛海涯。王粲登樓哀故國、杜陵入蜀悵邊笳。  
離亂半世心猶怯、勞碌一生老更差。但願太平無劫難、人人歡笑話桑麻。

錦山文社辛未春禊用建除體書呈

江文岳

辛詞雄健擬東坡、未屬羊年好景多。上日踏青來野徑、巳辰滌垢浴清波。  
錦霞爛漫盈芳甸、山色空濛映碧螺。文課同研聯雅誼、社筵共醉譜新歌。  
北阡花木朝含露、潭畔松篁翠染蘿。春至南陬鶯燕鬧、禊承晉緒把詩哦。

辛未錦山文社第二十屆春禊四十韻柏梁體。

南海八十九叟賴廬陳伯祺修舊作並書

二月卅日春好時。錦山文侶修禊期。不爲消菑祓海涯。但爲廿屆盟故知。  
車逐輕塵紫陌馳。柳花拂面惠風吹。春臺改在西貢湄。保良渡假村舉卮。  
夾徑花藥相紛披。邨門迓客開煙扉。園林幽勝景物移。樨香竹秀繞碧池。

近臨滄海波濤洄。遙挹雲山路逶迤。遠足體能好護持。正宜文會酣且嬉。  
先傳午食振鼓旂。再張文陣陳風詩。益以董巨盡筆揮。如椽墨瀋何淋漓。  
佐以鍾張爲濟師。周鼓秦篆漢魏碑。壁上琳琅珠玉輝。几上婉麗唐宋詞。  
或爲射覆爲敲棋。或爲幽尋爲園窺。於今溱洧徒遐思。采蘭贈芍鄭風遺。  
庾信華林後世嗤。蘭亭繭紙存依稀。何如寫實紀心脾。壘塊一澆能解頤。  
悠然不覺紅日西。山肴野蔌烹黍雞。偷閒半日盍舉盃。魯酒同傾醉莫辭。  
醺醺相與雩詠歸。歸車更覺春風隨。古會今歡兩不差。尚有逸興同過飛。

七律

社丈劉少旅先生以所藏書畫一部贈香港藝術館珍藏書呈錦山列位社盟

穎廬陳伯祺

太乙樓高萬象涵、時賢書畫最堪探。雙鈎潑墨皆天趣、環蹟雄神互雅談。  
五十年來娛暮景、一朝移贈拜深耽。風華國粹欣歸宿、獨樂奚如衆樂酣。

錦山文社二十禊北潭即景

餘菴潘小磐

北潭山水故漫漫、老我重來似夢看。林木四邊簾箔映、衣冠百數筆花團。  
好憑曲檻分湖淥、更入樵蹊拂葉丹。莫是風煙緣未盡、鷺鷥猶認故人潘。

錦山文社辛未春禊招飲獻句

相江陳本

春行夏令變無常、人事天時漫較量。五柳陶公應有宅、百花杜老可無莊。  
鯉門波浪連城打、鵝嶺雲霞出海光。禊飲但祈良可保、平安歲歲祝何郎。

錦山文社北潭涌禊集

番禺傅子餘靜菴

佳約三三年復年、盆中花藥又娟娟。每逢舊好如初見、欲賦新詩起昔賢。  
生也有涯猶問道。病而能祓豈關天。老來不覓安心法、扶杖南行結勝緣。

錦山盛會

何鴻宗

禊事今春周二十、錦山又叙蘭亭集。茂林修竹惠風和、西貢北潭佳氣襲。  
我客吟來繡虎哮、主人筆下雕龍入。村中渡假盡天驕、太上文章光熠熠。

錦山文社辛未北潭春禊詩書畫雅集

江文森

春禊今逢辛未年、北潭花木正暄妍。錦屏翠擁迎朝旭、芳徑紅酣賞杜鵑。  
曲水流觴傳晉緒、硯池醮筆寫濤箋。羣賢濟濟風華茂、把琖聯吟意與便。

又

同前

林罇亭陰日色微、山花溪樹映斜暉。北潭涌上春方暮、渡假村前草正肥。  
靜聽鳥聲存野調、閒看蝶舞遍郊畿。羣賢至此修春禊、滌垢除污詠浴沂。

錦山文社辛未北潭春禊詩書畫雅集

江文翰

錦環翠積暮春初、四野風光畫不如。萬戶樓臺連海島、千株松竹繞山居。  
鶯歌枝上音柔美、蝶舞花間態疾徐。禊集北潭承晉緒、羣賢畢至畫兼書。

又

同前

荆紫棉紅月又三、港灣風物勝江南。如林樓閣衝霄起、似畫山川着意探。  
渡假村前春景麗、北潭涌上曉烟涵。羣賢此日同修禊、把琖題詩賞翠嵐。

錦山文社辛未春禊不赴即柬諸老

順德李狷齋時客長洲

西貢灣頭海接天、禊修今此聚羣仙。南溟壯激三千浪、曲水風賡二十年。  
儘有鴻辭新國運、未徒聚藻鬥春妍。路遙愧我身兼病、幾度芳辰負雅筵。

錦山文社辛未春禊移硯北潭賦呈諸老

順德李錫京

七公移硯約揮毫、廿載賡吟意可高。作賦河陽先有序、能詩水部復多勞。